



Premio edebé

de Literatura Infantil e Xuvenil



Convidamos a todos os escritores e escritoras a participar no **XXIX Premio edebé de Literatura Infantil e Xuvenil**, un acontecemento anual que reúne as obras de maior calidade literaria para a xente nova.

Contos fantásticos, narracións enxeñosas, historias excitantes ou apaixonantes relatos que fagan soñar os lectores e as lectoras máis novos.

Participa coa túa obra.
Porque todos levamos un premio dentro.

Establécense dúas modalidades de premio: modalidade infantil, para obras de narrativa dirixidas a lectores de 7 a 12 anos, dotada con 25.000 euros, e modalidade xuvenil, para obras dirixidas a lectores de máis de 13 anos, dotada con 30.000 euros. O feito de participar nunha modalidade exclúe a posibilidade de facelo na outra.

A concesión do premio nas súas dúas modalidades leva incluída a edición nas diversas linguas do Estado español –por parte de edebé– das obras premiadas. O importe do premio computarase á conta dos dereitos de autor segundo o contrato habitual de edebé.

A editorial edebé terá unha opción preferente para a adquisición dos dereitos, en todas as linguas do Estado español, das obras que o xurado considere con interese para publicar e que non obtivesen o premio nalgunha modalidade.

As obras deberán ser orixinais totalmente inéditos, de tema libre e escritos en castelán ou en calquera das linguas do Estado. O xénero literario debe ser novela. Remítanse dúas copias encadernadas e unha copia en soporte informático a este enderezo: Premio edebé de Literatura Infantil e Xuvenil. Editorial edebé, Paseo San Juan Bosco, 62, 08017 Barcelona. Deberase especificar claramente a que modalidade do premio se presenta.

A extensión das obras abranguerá desde un mínimo de 20 páxinas a un máximo de 80 para a modalidade infantil, e de 80 a 200 para a xuvenil. Os traballos presentaranse mecanografiados a dobre espazo e escritos por unha soa cara en follas de papel de tamaño DIN-A4.

Os orixinais enviaranse nunha plica. As plicas deben incluír o nome, o enderezo, o correo electrónico e mais o teléfono do autor, así como a súa declaración de aceptación das Bases. O xurado procederá á apertura das plicas despois de emitir o ditame do premio nas dúas modalidades.

Cada concursante poderá enviar todos os orixinais da súa propia autoría que desexe para unha soa modalidade. O feito de participar implica o compromiso de non optar a outros premios coas obras que se presentadan a este concurso, así como a ausencia de compromisos editoriais, previos ou simultáneos, sobre as devanditas obras.

O prazo de admisión dos orixinais rematará o 13 de setembro do 2020.

Non se poderán presentar ao concurso nin o persoal do Grupo edebé nin os gañadores da edición anterior.

O xurado será nomeado por edebé e estará formado por especialistas en literatura e en educación. A súa composición farase pública no momento de publicar o ditame do premio. O xurado emitirá un veredicto inapelable. Este veredicto darase a coñecer a finais de xaneiro do 2021 durante un acto que se convocará para esta fin.

Os orixinais non-premiados serán destruídos dentro dos catro meses seguintes á adxudicación do premio. A editorial non responde, en ningún caso, polo extravío ou pola perda dalgún orixinal.

A participación no Premio edebé de Literatura Infantil e Xuvenil implica a plena conformidade e a aceptación destas bases.

Conforme o disposto no Regulamento Xeral de Protección de Datos (UE) 2016/679 e na Lei, informamos de que os datos persoais que nos facilitou serán incorporados a un ficheiro de titularidade de EDICIONES DON BOSCO, con CIF R0800889H, e serán tratados coa finalidade explícita e llexítima de xestionar a inscrición, participación e restos das súas relacións con respecto ao concurso.

Os seus datos son confidenciais e serán conservados ata que se ditamine o premio desta edición, excepto no caso de que resulte finalista o gañador, nese caso, serán conservados segundo regula o contrato de edición pertinente. Vostede consente en que os datos poidan ser cedidos ás entidades ou compañías promotoras, patrocinadoras ou encargadas da xestión e entrega dos premios, así como ás autoridades, organismos ou calquera outra entidade de carácter público ou privado, estatal, autonómico ou local, relacionadas co obxecto do concurso e os seus premios, ou, en cumprimento dunha obriga legal, de calquera rango normativo.

Vostede pode acceder aos seus datos persoais obxecto de tratamento, así como exercer os dereitos de rectificación, portabilidade, supresión, limitación e oposición mediante as seguintes canles: Escrito dirixido a EDICIONES DON BOSCO en Paseo San Juan Bosco, 62, 08017 (Barcelona) ou Escrito ao enderezo de correo electrónico: arco@edebé.net.

No caso de que non obtivese satisfacción no exercicio dos seus dereitos, pode presentar unha reclamación ante a autoridade de control competente. Vostede autoriza expresamente a EDICIONES DON BOSCO a publicar, reproducir e utilizar (incluso en internet e redes sociais) con fins publicitarios e/ou informativos, os seus datos persoais, incluída a súa imaxe e, no seu caso, a súa voz, como participante do concurso. Os gañadores e os finalistas, ademais, comprométese a participar persoalmente nos actos de presentación e promoción da súa obra.

